

Zortzi gazte epaituko dituzte Iruñean, atentatuaz akusatuta

Defentsaren arabera ez dago auzipetuen aurkako frogarik

Burlatako Lipauto auto kontzesionarioa erretzeaz akusatuta, zortzi gazte epaituko dituzte gaur Iruñean. Fiskalak liskarrak eta atentatua egitea leporatzen die. Sutea gertatu zelarik adin txikikoak ziren hiru auzipetuentzat eskatuko du sei hilabete eta 24 asteburuko arrestatzea eta 90.000 pezetako isuna (3.600 libera). Gainontzekoentzat zigor eskaera sei urteko kartzelaldia izanen da. Defentsak, berriz, gazteok aske uzteko eskatuko du, frogarik ez dagoela eta.



Gurasoak elkarteak eginiko protestaldietako bat, gazteen kontrako epaiketak direla eta.

MIKEL UHARTE

Juan Kruz Lakasta/Iruñea

FRANCISCO R.R., Eduardo P.L., Koldo G.A., Iñaki A.S., Iker A.A., Jorge C.Z., Ibai A.L. eta Alvaro P.L. epaituko dituzte gaur Iruñeko Entzutegian, goizeko 9:30etan. Ordu horretan bertan, Gurasoak elkarteak deituta protestaldia egingen dute Justizia egoitzaren aitzinean, epaiketa muntaia dela eta hedabideek alde aurreko epaiketa egin dute la salatzeke. Jarraian, Gaztelu Plazaraino manifestaldia egingen dute.

Fiskaltzaren arabera, auzipetuek liskarrak eta atentatua egin zituzten. 1996ko maiatzaren 23an zortzi auzipetuek Iruñeko Donibane auzoko taberna batean bilera egin omen zuten, Burlatako Lipauto auto kontzesionarioa erretzeko plana egiteko. Betiere fiskalak dioenaren arabera, gaueko 23:30ak aldera Burlata

heldu ziren, eta, burua estalita eta gasolina botila handiak zermatzatela, kontzesionarioaren ondoan errepidea moztu zuten, zabor ontziei su emanez, jarraian kontzesionarioa bera erretzeko. Suteak 173 milioi pezetako kalteak eragin zituen, eta fiskalak galdeginen du gazteek dirutza hori kontzesionarioaren jabea ordaintzea.

«Ez dago frogarik» • Nolanahi ere, gazteen abokatu Txemi Gorostizaren arabera, ez dago fiskalaren bertsioa baieztatzen duen froga bakar bat ere, eta hori dela kausa auzipetuak libre uzteko eskatuko du. «Ez dago froga bakar bat ere auzipetuetako inor sutearekin lotzen duena». Fiskalak euskarri bakarra dauka: bi auzipetuk inkomunikatuta zeudela Madril en egin adierazpenak beren burua erruduntzat joz. Alta, atxilotu zituztelarik adin txikikoak

ziren bi gazteek, eta haien senideek epailearen aitzinean salatu zuten, adierazpenok «presioen eta mehatxuen menpe» egin zituzten. Salaketa ohiko bidea segitzen ari da. Gainontzeko sei auzipetuek leporatzen dietena ukatu dute, egin dituzten adierazpen guztietan.

Txemi Gorostizaren hitzetan, defentsa ildo nagusia froga rikeza salatzea izanen da. «Mota honetako epaiketetan ohikoa denez, Fiskaltzak ez dauka bere tesia defendatzeko froga bakar bat ere, ez lekukorik ezta beste deus ere. Beste hainbatetan bezala, fiskalak daukan gauza bakarra bi auzipetuk beren borondatearen aurka egin adierazpenak dira». Bigarren mailako defentsa ildo lege-hausteen kalifikazioari buruzkoa izanen da. Fiskaltzaren kalifikazioa —liskarrak eta atentatua— gogorregia da, Gorostizaren aburuz. X

Iraultza zerga ordaintzen dela ukatu du Confebaskek

■ Enpresarioek ETArri dirua ematen jarraitzen dutela dio egunkari batek

Erredakzioa / Bizkaia

CONFEBASK-ETIK ukatu egin dute euskal enpresarioek iraultza zerga ordaintzen dutenik. Atzo El País egunkariak kalera zuenez, enpresarioek ETArren iraultza zerga ordaintzen jarraitzen dute oraindik ere. Hedabide horretan agertzen denez, su-etenaren aurretik iraultza zerga ordaintzen zutenek eta bahituta egondakoek jarraitzen dute ETArekin hitzartu zituzten diru kopuruak ordaintzen.

Berri horrek berehala izan ditu erantzunak Confebasketik eta Eusko Alderdi Jeltzaleetik. Confebasketik igorritako prentsa ohar batean, enpresarioen konfederazioak «erabat gezurtatzen du estatuko egunkari batean agertzen den informazioa, zeinaren arabera, enpresario euskal herriarrek jarraitzen duten ordaintzen gaizki deituriko iraultza zerga».

Prentsa oharrean Confebaskek agertzen duenez, «denbora luzez ari dira euskal enpresarioak ETArren txantajeari beren

gaitzespena tinko adierazten bere garaian jasan ahal izan dituzten presioen aurrean eta gabe, eta horrek horrela izan jarraitzen du». Confebaskek di egungo egoerak euskal herritarrentzat itxaropenez betetako etorkizuna dakarrela, eta eskatzen du inork prozesuari trbak ez jartzeko.

Joseba Egibarrek ere, Eusko Alderdi Jeltzalearen izenean ukatu egin zuen berri horretan agertzen dena —El Paisek ETArren ordainketa bideekin lotzen zuen—. Egibarrek ukatu egin zuen ETArri iraultza zerga ordaintzen dioten enpresarioen bere alderdiari bitartekaritza lanik egitea eskatu diotenean. «Izan litezke iraganean ETArren ordainketa batzuk hitzartu dituzten pertsonak, eta ordainketa horiek epe jakin batzutan izan ditzakete», adierazi zuen Egibarrek. Horren harira ordainketak bide zuzenetatik hitzartu direnez gero, afera biderberak erabiliz konpon zitezkeen esan zuen, «hirugarren baten, EAJren, parte hartzerik gabe». X

Lau gaztek salaketa jarriko dute Ertzaintzaren aurka

■ Inkomunikatuta zeudenean torturatu zituztela diote

Erredakzioa / Donostia

DONOSTIAKO Aitor Elizaran, Iñaki Bengoa, Gotzon Beloki eta Eneko Osanbela gazteek salaketak jarriko dituzte gaur, Ertzaintzaren eskuetan jasan dako tortura eta tratatu txarren gatik. Aipatu gazteak irailaren 29a eta urriaren 3a bitartean atxilotu zituzten Intxaurren auzoan, eta hiru egunez eduki zituzten inkomunikatuta polizia autonomikoaren egoitzan. Amnistiaren Aldeko Batzordeak azaldu dutenez, inkomunikazioan egon ziren egunetan tratatu txar fisiko zein psikologikoak pairatu zituzten Ertzaintzaren eskuetan. Iñaki Bengoa, gainera, sorospen etxera eramane behar izan zuten, Ertzaintzak

flexioak egitera behartu eta konortea galdu zuelako.

Hala, gazteek gaur eguerdian jarriko dute salaketa Donostiako Guardia Epaitegian. AABen jakinarazi dutenez, ordu erdi lehenago, 11:30etan, kontzesionario bat egingo dute epaitegian. Inkomunikatuta egon zuten bitartean atxilotu zituzten atxilotu zituzten babes falta eta tratatu txar salaketa dute horien buru, eta Inkomunikazioarekin bukatu behar da, torturarik ez izango da erabiliko duten leloa.

Atxilotu Altzako PSOEren egoitzaren aurkako erasoak egin zitezien, eta, Espainiako Entzutegi Nazionaletik pasatu ostean, aske utzi zituzten 500.000 pezetako berme ordainduta (20.000 libera inguru). Beloki izan zen, lau gazteetatik, bermerik ordaindu gabeko aske geratu zen bakarra. Baina operazio berean beste bi lagun ere atxilotu zituzten: Aitor Garzia eta Gorka Fernandez. Fernandez bermea ordaindu gabeko askatu zuten; eta Garziaren berriz, espetxeratu egin zuten. Entzutegi Nazionaletik pasatu ondoren.

Salaketez gain, lau gazteek haien senitartekoei eta AABen elkarrizketak eskatu dituzte ELA-Ertzaintzarekin, EAJrekin eta Donostiako alkate Odono Elorzarekin. AABen arabera inkomunikazioan daudenean gazteek pairatzen duten egoerak salatu nahi dute horien aurrean ere. X

BILBOKO UDALA AYTO. DE BILBAO



BEKAK "BILBAO" UDAL ALDIZKARIRAKO

Bilboko Udalak EHuko Informazio-Zientzien Fakultatean 1997/1998tik aurrera lizentziaturiko kazetari berrientzako hiru beka, urtebetekoak, emango ditu. Hileko 80.000.-PTAkoak izango dira eta "BILBAO" Udal aldizkariarentzat lan egin beharko da.

Oinarri arautzaileak eta eskabide-orriaren erudia doakien eskueran daude Bilboko Udaletxearen atzeko aldean dagoen Erregistro Nagusian.

Eskabideak bulego berorietan aurkeztu beharko dira, iragarki hau argitaratzen denetik hasi eta 10 asteguneko epean.

HIRITARREKIKO HARREMANETARAKO ORDEZKARIA



HONDARRIBIKO UDALA

IRAGARKIA

Udal-batzarrak, 1998ko urriaren 22an egindako bilkuran, legezko gehiengo absolutuaren aldeko botoez, 1999ko urtarrilaren 1etik indarrean jarriko diren **ORDENANTZA FISKALAK** ezeztatzeari, aldatzeari eta berriak ezartzeari, hasierako onespina ematea erabaki zuen.

Gipuzkoako Toki Ogasunak arautzen duen uztailaren 5eko 11/1989 Foru Arauaren 16.1. artikuluan xedatutakoa betetze arren, hartutako erabakiak eta horretarako bideratu diren espedienteak 30 laneguneko epean jendaurrean jarri dira. Epe hau Gipuzkoako Aldizkari Ofizialean argitaratzen den egunetik hasiko da zenbatzen.

Jendaurreko erakustaldi honen arauzko epe barruan inolako erreklamaziorik egongo ez gero, hartutako erabakiak eta adierazitako dokumentuak behin betiko onartutzat joko dira, beste erabakirik hartu beharrik gabe.

Hondarribia, 1998ko urriak 28.
ALKATEA, Borja Jauregi Fuertes.